

Vantaxes e beneficios

Deixar de fumar suporá moitos beneficios tanto para a súa saúde como para a das persoas que conviven con vostede, ademais doutras vantaxes económicas, estéticas, etc., que se poñerán de manifesto a curto e medio prazo despois de o deixar.

Pense durante uns minutos cales son as vantaxes máis importantes para vostede. Lembralas cando sinta ganas de fumar axudarlle a dicir "non, xa non fumo".

Para a súa saúde
O seu corazón agradecerallo eternamente. As cifras de tensión arterial e colesterol descenderán de forma considerable.
Aumentará a súa capacidade respiratoria e cansará menos cando faga exercicio. Desaparecerá esa desagradable tose matutina e superará con facilidade os catarros e as gripes. As enfermidades pulmonares instauradas mellorarán.
A probabilidade de sufrir un cancro de pulmón será moito menor. Reducirá tamén as posibilidades de padecer cancro de boca, larinxe, vexiga, esófago e ril.
Axudará a curar a úlcera gástrica ou duodenal.
Os medicamentos que tome serán máis eficaces.
Diminuirá o risco de complicacións se toma a pílula anticonceptiva.
Seralle máis fácil ter un fillo.
Atrasará a idade da menopausa.

Para a saúde dos demais
Os seus fillos/as, amizades e compañeiros/as de traballo agradeceránlo e non prexudicará a súa saúde.
Non prexudicará ao bebé no embarazo e na lactación.

Estéticas
A súa pel conservarase tersa por máis tempo. Eliminará un aliado da celulite. O acné e os grans da cara desaparecerán.
Os seus dedos deixarán de estar amarelos. O aspecto do seu cabelo mellorará.
A súa dentadura volverá brillar e as enxivas deixarán de se inflamar. Eliminará o mal alento e os seus bicos saberán mellor.
Desaparecerá ese olor tan desagradable que desprende a súa roupa.

Outras vantaxes
As cousas recuperarán o seu aroma e sabor.
Aforrará moitos cartos (aproximadamente uns 1.000 € cada ano).
Recuperará algún tempo libre (calcule o tempo que lle dedica a fumar).
Será un bo exemplo para os seus fillos/as e reducirá as posibilidades de que eles fumen.
Medrará a súa autoestima.
Reducirá o risco dos accidentes caseiros e de tráfico.



Ao deixar de fumar,
¡non só vivirá máis,
vivirá mellor!

Dende o primeiro momento en que deixe de fumar, comezará a notar as melloras

20 minutos	A presión sanguínea e o pulso volven á normalidade. Mellora a circulación sanguínea, especialmente nas mans e nos pés.
8 horas	Os niveis de osíxeno no sangue volven á normalidade e comezan a reducirse as probabilidades de sufrir un ataque ao corazón.
24 horas	O monóxido de carbono elimínase por completo do organismo. Os pulmóns comezan a "limparse" desprendendo mucosidades e residuos.
48 horas	O seu corpo comeza a limparse de nicotina. Os sentidos do gusto e do olfacto empezan a mellorar.
72 horas	A musculatura bronquial reláxase e mellora a función respiratoria. Aumenta o seu nivel de enerxía.
2-12 semanas	Mellora a circulación en todo o corpo. Faise máis sinxelo camiñar e facer exercicio. Aumenta a sensación de benestar.
1-9 meses	Mellora a drenaxe bronquial e redúcese o risco de infeccións.
3-9 meses	Melloran os problemas de respiración: a tose, a falta de alento, a conxestión e a respiración sibilante. Incrementase a actividade pulmonar entre un 5% e un 10%.
12 meses	O risco de enfermidade coronaria redúcese á metade.
5 anos	Diminúe o risco de cancro de pulmón. O risco por infarto de miocardio redúcese á metade.
10 anos	O risco de cancro de pulmón iguálase ao dos non fumadores. O risco de accidente cerebrovascular ou ataque cardíaco iguálase aos dos non-fumadores.



Servizo Galego
de Saúde



Secretaría Xeral
Servizo Galego de Saúde

Información divulgativa



Vantaxes e beneficios



Plan de atención sanitaria ao tabaquismo en Galicia

Dep. legat: C 3151-2008